

卷十一

書名 大唐六典殘十三卷 嘉靖中刊本
撰者 唐 玄宗李隆基 御撰, 唐李林甫等 奉敕注
卷 卷十一
內容分類 史-職官-官制-唐
索書號 大木-總類-章則-2
編號 B3410200

[彩色首頁1](#)

[東洋文化研究所漢籍目錄 編號: B3410200](#)

[東洋文化研究所漢籍目錄所藏漢籍善本文影像資料庫 索書號: 大木-總類-章則-2](#)

[漢籍善本文影像資料庫文本大唐六典殘十三卷-嘉靖中刊本](#)

版權所有: [東京大學](#) [東洋文化研究所](#)

[使用上的注意事項](#)

大唐六典三師三公尚書都省卷第一
御撰

集賢院學士兵部尚書兼中書令修國史桂國開國公臣李林甫等奉
敕注

三師

太師一人

太傅一人

太保一人

三公

太尉一人

司徒一人



十五度晝漏四十刻夜漏六十刻夏至日北為欽去
極六十七度晝漏六十刻夜漏四十刻春秋二分發
欽中去極九十一度晝夜各五十刻秋分已後減晝
益夜九日加一刻春分已後減夜益晝九日減一刻
二至前後則加減遲用日多二分之間則加減速用
日少凡候夜漏以爲更點之即每夜分爲五更每更
分爲五點更以擊鼓
爲節點以擊鐘爲節

大唐六典秘書省卷第十

大唐六典殿中省卷第十一

御撰

集賢院學士兵部尚書兼中書令修國史上柱
國開國公臣李林甫等奉 敕注上

殿中省

監一人

少監二人

丞二人

主事二人

令史四人

書令史十二人

亭長八人

掌固八人

尚食局

奉御二人

直長五人

書令史二人

書吏四人

食醫八人

主食十六人

主膳七百人

掌固八人

尚藥局

奉御二人

直長四人

書令史二人

書吏四人

侍御醫四人

主藥十二人

藥童三十人

司醫四人

醫佐八人

按摩師四人



呪禁師四人

合口脂匠二人

掌固四人

尚衣局

奉御二人

直長四人

書令史三人

書吏四人

主衣十六人

掌固四人

尚舍局

奉御二人

直長六人

書令史三人

書吏七人

掌固十人

幕士八千人

尚乘局

奉御四人

直長十人

書令史六人

書吏十四人



奉乘十八人

習馭五百人

掌閑五千人

進馬六人

司庫一人

司廩二人

典事五人

獸醫七十人

掌固四人

尚輦局

奉御二人

直長四人

書令史二人

書吏四人

掌扇六十人

掌翰三十人

掌輦二人

王輦四十二人

奉輦十五人

掌固六人

殿中省監一人從三品魏氏初置殿中監品第七晉

外殿中監八人梁初位不登七班者別署勳位陳因之然



其官甚微後魏殿中監從五品下北齊門下省屬官有殿中監四人掌駕前奉引行事東耕則進耒耜隋改為殿內局監二人品正第六下大業三年分門下省尚食尚藥御府殿內等局分太僕寺車府驛驛等署置殿內省監正四品少監從四品丞從五品各一人掌諸供奉又有奉車都尉十二人掌進御與馬統尚食尚藥尚舍尚衣尚乘尚輦等六局皇朝因改曰殿中省龍朔二年改為中御府監為中御大監咸亨元年復舊

少監二人從四品上

隋煬帝置一人從四品皇朝加至二人龍朔咸亨隨省改復

丞二人從五品上

隋煬帝置一人從五品皇朝加至二人龍朔二年改為中御大夫咸亨元年復故

主事二人從九品上

隋煬帝置皇朝因之

殿中監掌乘輿服御之政令惣尚食尚藥尚衣尚乘尚舍尚輦六局之官屬舊屬官又有天藏府備其禮開元二十三年省

物而供其職事少監為之貳凡聽朝則率其屬執繼扇以列於左右凡大祭祀則進大珪鎮珪於壇門之外既事受而藏之凡行幸則侍奉於仗內若遊燕田閱則驂乘以從焉今內別置閑廐使其務多分殿中掌其內監知其外遊及太僕之事至於輿輦車馬則使燕侍奉皆不與焉若元正冬至大朝會則跪而進爵若和合御藥則監視而嘗之

丞掌判監事兼勾檢稽失省署抄目

主事掌印及知受事發辰

尚食局奉御二人正五品下

周禮有膳夫內饗秦置六尚有尚食之名如淳

以為主天子物曰尚漢因之後遂省并其職於太宮湯官至此齊門下省統六局尚食局有典御二人丞監各四人又有集書省統三局有中尚食局典御二人監四人品與尚食同後周有內膳上士二人中士

四人凡進食必先嘗之至隋開皇初門下省統尚食局有典御二人直長四人食醫四人大業三年分屬之龍朔二年改為奉御員二人正五品上皇朝因

直長五人正七品上隋開皇初置直長四人從七品正第七上皇朝

因之減置五人

食醫八人正九品下周禮有食醫中士二人嘗和王珍之齊隋尚食局有食醫皇朝加至

八人後周置主膳等皇朝因之

主膳十六人後周內膳有

尚食奉御掌供天子之常膳隨四時之禁適五味之

宜春肝夏心秋肺冬腎四季之月脾當進食必先嘗

凡天下諸州進甘滋珍異皆辨其名數而謹其儲供

直長為之貳凡元正冬至大朝會饗百官與光祿視

其品秩分其等差而供焉其賜王公已下及外方賓

客亦如之若諸陵月享則於陵所視膳而獻之諸陵

食醫掌和齊所宜

主膳掌率主膳以供其職

尚藥局奉御二人正五品下自陳梁後魏已往皆太

統尚藥局有典御二人侍御四人尚藥監四人惣

御藥之事又集書省統三司有中尚藥局典御二人

丞二人中謁者僕射二人惣知中宮醫藥之事隋門

下省統尚藥局典御二人正五品下侍御醫四人正

七品上直長四人正七品下醫四十年改為奉醫

分屬殿內改為奉御皇朝因之龍朔二年改為奉醫

大夫咸亨元年復舊

直長四人正七品上隋置四人正七品下煬帝加



侍御醫四人從六品上

北齊尚藥局有侍御

主藥十二人藥童三十人

漢有藥丞主藥後周有主藥六人隋有主藥四人藥

童二十人

司醫四人正八品下

隋大業中置

醫佐八人正九品下

隋大業中置

按摩師四人

隋有按摩師一百人

呪禁師四人

皇朝初置

合口脂匠二人

皇朝初置

尚藥奉御掌合和御藥及診候之事直長為之貳凡

藥有上中下之三品

上藥為君養命以應天中藥為臣養性以應人下藥為佐療病

以應地通相凡合藥宜用一君三臣九佐方家之大

經也必辨其味三性七情然後為和劑之節五味謂

酸鹹甘苦辛酸屬肝鹹屬腎甘屬脾苦屬心辛屬肺

三性謂寒溫平七情謂有單行者有相須者有相使

者有相畏者有相惡者有相反者有相殺者其用又

有四焉曰湯丸酒散視其病之深淺所在而服之診

脉辨寸關尺之三部以調四時沉浮滑澁之節而知

病之所在在胃膈者先食而後服藥在心腹者先服

藥而後食凡合和御藥與殿中監視其分劑藥成先

嘗而進焉

合藥供御門下中書司別長官一人并當

等監視藥成醫佐以上先嘗然後封印寫本方後

具注年月日監藥者編署名俱奏餌藥之曰尚藥奉



侍御醫掌診候調和

司醫醫佐掌分療衆疾

主藥藥童掌刮削擣篩

按摩師呪禁師所掌如太醫之職

尚衣局奉御二人從五品上

周禮有司服中士二人掌王吉凶衣服辨其名

物與其用事戰國有尚衣尚冠之職秦漢少府屬官有御府令丞掌供御服後漢有掌冠者典官婢作中衣服及補浣之事魏因之晉屬光祿勳東晉省宋大明中改尚方曰左右御府各置令丞一人後廢帝初省御府置中署隸左右尚方其後又置至齊高祖省文帝又置初宋氏用三品勳位明帝改用二品準南臺御史掌金銀綵帛凡諸造作以供奉及妃主六宮梁陳無御府其職隸在尚方後魏有掌服郎從六品上北齊門下省統主衣局都統子統各二人後周有司服士二人中士二人隋門下省有御府局監二人大業三年分屬殿內省其後又改為尚衣局皇朝因之龍朔三年改為奉冕大夫咸亨元年復舊

直長四人正七品下

隋改御府為尚衣局始置直長領主衣皇朝因之

主衣十六人

隋置皇朝因之

尚衣奉御掌供天子衣服詳其制度辨其名數而供

其進御直長為之貳凡天子冕服十有三一曰大裘

冕二曰衮冕三曰鷩冕四曰毳冕五曰絺冕六曰玄

冕七曰通天冠八曰武弁九曰弁服十曰黑介幘十

一曰白紗帽十二曰平巾幘十三曰翼善冠大裘冕

無旒冕廣八寸長一尺六寸

玄表纓袞以廣狹准此

金飾玉簪

導以組為纓色如其綬裘以黑羔皮為之玄領青標

緣朱裳白紗中單皂領青標襪裾革帶玉鈎釵大帶

素帶朱裏紕其外上以朱下以綠紐約用組

鞞

鞞蔽膝也凡鞞皆隨裳色

鹿盧玉具劍

火珠鏢首白玉雙佩玄組雙大綬六綵玄黃赤白縹
綠繩玄質長二丈四尺五寸首廣一尺小雙綬長二尺六寸色同

大綬而首半之朱韞赤舄祀天神地祇則服之

衮冕垂白珠十有二旒以組為纓色如其綬黹纁充

耳王簪導玄衣纁裳十二章

八章在衣日月星辰山龍華虫火宗彝其四章

在裳藻粉朱黼黻衣標

頰為昇龍皆織成爲之山龍以下每章一行重以為

等每行十二白紗中單黼領青標襪裾鞞革帶大帶

劍玉珮綬韞與上同舄加金飾享廟謁廟及廟遣上

將征還飲至踐祚加元服納后若元日受朝及臨軒

冊拜王公則服之

鷩冕服七章

三章在衣華蟲火宗彝四章在裳藻粉朱黼黻餘同衮冕有事

遠主則服之

毳冕服五章

三章在衣宗彝藻粉米二章在裳黼黻餘同鷩冕祭海嶽

則服之

絺冕服三章

一章在衣粉米二章在裳黼黻餘同毳冕祭社稷帝社

則服之

玄冕服

衣無章裳刺黻一章餘同絺冕蜡祭百神朝日夕月則

服之

通天冠加金博山附蟬十二首施朱翠黑介幘髮纓

翠綬玉若犀簪導絳紗袍白紗中單朱領襪白裙襦

亦裙絳紗蔽膝白假帶方心曲領其革帶劍珮綬與

上同白韞黑舄若未加元服則雙童髻空頂黑介幘

雙玉導加寶飾諸祭還及冬至受朝元會冬會則服之

武弁金附蟬平巾幘其餘同講武出征四時蒐狩大射

襦類宜賞祖罰社纂嚴則服之

弁服弁以鹿皮爲之十有二珎珎以白玉珠爲之玉簪導絳紗衣素

裳革帶白玉雙珎鞶囊小綬白鞵烏皮履朔日則服

之

黑介幘白紗單衣白裙襦革帶素鞵烏皮履拜陵則

服之

白紗帽亦烏紗白裙襦白襪烏皮履視朝聽訟及瑱見

賓客則服之

平巾幘金寶飾導簪冠支皆以玉紫褶亦曰白袴玉具

裝真珠寶鈿帶箸韡乘馬則服之

翼善冠其常服及白練裙襦通著之若服袴褶則與

平巾幘通著已上並古服有事及見賓客則服之自

遂以隋文帝制杯黃袍及巾帶以聽朝至今凡天子之大圭曰珽長三尺鎮圭長尺有二寸

有事于郊廟社稷則出之于內將享至于中饋門則

奉鎮圭于監而進既事復受而藏之凡大朝會則設

御案朝畢而徹焉

尚舍局奉御二人從五品周禮有掌舍掌行所解止

府屬官有守宮令丞掌官殿陳設魏殿中監掌帳設

監護之事曹宋已下其職並在殿中監隋煬帝置殿

朝因之龍朔二年改爲奉宸大夫咸亨元年復舊

直長六人正七品下隋煬帝置八人

幕士八千人皇朝置掌供御及殿中雜張設之事

尚舍奉御掌殿庭張設供其湯沐而潔其灑掃直長

為之貳凡大駕行幸預設三部帳幕有古帳大帳次

帳小次帳小帳凡五等古帳八十連高二丈縱廣二丈五尺前有五

梁後有大帳六十連高一丈五尺縱廣二丈五尺前有四梁次帳四十連

高三丈一丈三尺縱廣一丈五尺前有有三小次帳三十連

廣一丈一丈二尺縱廣一丈五尺前有有三凡五等之帳

各三是為三部帳皆金鳥壇為表朱綾為覆下有紫幃

又設六柱四柱三柱為垣墻其外置排城以為蔽捍

馬畫排城連版為之每版皆為裏其供湯沐先視其潔清芳

香適其寒溫而進馬凡大祭祀有事於郊壇則先設

行宮於壇之東南向隨地之宜將祀三日則設大次

於外壝東門之外道北南向而設御座若有事於明

堂及大廟則設大次於東門如郊壇之制凡致齋則

設幄於正殿西序及室內俱東向張於楹下凡元正

冬至大朝會則設斧扆於正殿施榻席及薰鑪若朔

正殿帳裙頂帶方闊一丈四尺

尚乘局奉御四人從五品上自秦漢已來其職皆在

有奉乘十人管十二閑馬隋煬帝取之置尚乘局皇

六閑馬一人掌栗草飼下請受配給及勾勘出入破

用之事龍朔二年改為奉駕大夫咸亨元年復故開

元二十二年城二人先是別置閑廐使因隸焉猶屬

中殿

直長十人正七品下

隋煬帝置十四人皇朝因之開元二十二年減四人

奉乘十八人正九品下

後魏有奉乘郎從五品下後周左右廄各有奉乘二十人

隋煬帝置尚乘局有奉乘十四人每閑二人開元二十三年減六人

習馭五百人

後周左右廄各有馭夫一百二十人皇朝加置習馭五百人掌調習六閑之馬

掌閑五千人

皇朝置常分飼養六閑之馬

司庫一人正九品下

皇朝初置二人掌六閑庫物開元二十三年減

司廩二人正九品下

皇朝置之

典事五人

皇朝置掌六閑粟草

獸醫七十人

周禮有獸醫下士掌療畜獸之疾病又先牧馬步之神養疾馬以藥攻馬疾也北齊內廄局有馬醫二人皇朝置獸醫掌療左右六閑之馬

尚乘奉御掌內外閑廄之馬辨其麤良而率其習馭

直長為之貳六閑一曰飛黃二曰吉良三曰龍媒四

曰駒騄五曰馱驥六曰天苑左右凡十有二閑分為

二廄一曰祥麟二曰鳳苑以繫飼馬

今伏內有飛龍祥麟鳳苑鷄鑾

吉良六郡等六廄奔星內駒等兩閑伏外有左飛右飛左万右万等四閑東南西北內等兩廄

御馬必敬而式之非因調習不得捶擊

諸閑廄上細馬若欲調習

唯不得廄內乘騎不得輒出習其進御之制而為出入之禁

隴右諸牧監使

每年簡細馬五十疋進其祥麟鳳苑廄所須雜給馬牛別簡麤壯教馬一百疋與細馬同進仍令牧監使

預簡教馬一十疋別牧凡秣馬給料以時為差

春冬日給

豪一圍粟一斛鹽二合秋凡外牧進良馬印以三花

飛風之字而為誌焉

依細馬次馬送尚乘局者於尾側左右閑印以三花其餘雜馬

送尚乘者以風字印印
右體以飛字印印左體

奉乘掌率習馭掌閑駕士及秣飼之法凡馭馬必視

其齒歷勞逸而調習之
馬四年而兩齒五年而四齒六年而六齒成矣七年而右

一齒齒八年而上下兩齒各一齒缺九年而上下盡

缺十年而下兩齒平十四年而上下四齒平十五年而上下盡

齒十三年上兩齒平十七年上四齒齒十八年上盡

司庫掌鞍轡乘具

司廩掌藁秸出納

獸醫掌療馬病
凡馬病灌而行之觀其病之所發療

曰皮勞四日氣勞五日血勞六日筋勞七日骨勞八日立則

生骨勞久汗不乾則生皮勞久汗未差燥而飼飲之則

有傷熱者有傷者咸據經方以療馬



尚輦局奉御二人從五品上
周禮小司從中大夫二

謂人奉為輦春秋宋后之以五輦輦車組輓有髮羽蓋古

其輪而與之漢代遂為人君之乘後漢有乘輿六輦

魏晉小出則乘之及過江而亡大元中謝安率意而

作及破符堅得之形制無差大小如一時人嗟其默

識宋武執慕容超獲金鉦輦古之輦輿大率以六尺

為度齊武帝造大小二輦彫節甚工下桐轅輓悉金

花銀獸梁大輦中方八尺左右開四望金鸞樓輓隋

有六輦大輦皆乘之秦漢魏晉並太僕屬官車府今

掌之東晉省太僕遂隸尚書駕部宋齊梁陳車府乘

黃令丞掌之後魏北齊則乘黃車府令無掌之後周

則司車輅主之隋又乘黃車府令無掌之後周

內省尚輦局奉御二人正五品皇朝因之為從五

品上龍朔二年改為奉輦大夫咸亨元年復舊

直長四人正七品下
隋煬帝置皇朝因之又置掌扇

掌翰等員掌執扇及執紙筆覘

雜供奉之事

掌輦二人正九品下
皇朝初置四人開元二十三年

減二人又置主輦奉輦等員掌

率主輦以供其事

主輦四十二人

皇朝置凡七輦輦六人

奉輦十五人

皇朝置之

尚輦奉御掌輿輦繳扇之事分其次序而辨其名數

直長爲之貳凡大朝會則陳於庭大祭祀則陳於廟

輦有七一曰大鳳輦二曰大芳輦三曰仙遊輦四曰小輕輦五曰芳亭輦六曰大王輦七曰小玉輦輦有四

三一曰五色輦二曰常平輦其用如七輦之儀三曰腰輦則常御焉凡大朝會及祭祀

則出之於內既事復進而載之凡繳扇大朝會則繳

二翰一陳之于庭

孔雀扇一百五十有六分居左右舊翟尾扇開元初改爲繡孔雀以

省若常聽朝皆去扇左右各留其三以備常儀

注云華蓋皇帝所作也與蚩尤戰於涿鹿之野常有五色雲氣金枝玉葉止於帝上有花蔭之象故因作

華蓋也通俗文曰張帛遮雨謂之繳蓋古今注曰翟尾扇起於殷代高宗有雉之祥服章多用翟羽周制以爲王后夫人之車服輿輦有翼即緝翟羽爲扇翼以障蔽翳風塵也

大唐六典殿中省卷第十一





